



Le Signur é mia löm y mia salveza. (Salm 17)

La ploania d'La Pli á tut comié da **Carlo Pedevilla**, d'La Munt († 02.02.2020, 80 agn) y ti fej les condolanzas ai familiars por la mort dal fre y berba. La vita eterna dá, Signur, y confortele con to lominus!

- **Lites de Comune 2020 - prelites:** al ven lascé alessi, che al ven motü da jí prelites por chirí candidac por les lites de Comune de Mareo 2020. La poscibilité da lité sará la **sabeda ai 8 de forá dales 18:00 ales 21:00 y la domegna ai 9 de forá dales 08:00 ales 12:00** te Ciasa dles Uniuns.

1 enformaziuns y termins

KVW Senioreclub: en dedemesaledema ai 12 de forá s'abinunse ales 15:00 te salf dles manifestaziuns a Al Plan por na festa de Carlascé con tombola y aorela cörta. Düc è bel enviés!

Sorvisc ai Jogn: le SaJ Val Badia chir por le proiet **"Isté Deboriada 2020"** jogn y jones co á ligreza da laoré con mituns y mitans desco animadus/esses (an mess avei arjunt la majera eté). Emplü vegnel ince pité a jogn y jones dai 16 agn ennant, la poscibilité da se fá na bela esperionza tal laur con mituns tres en practicum y se davagné ensciö val dertan l'isté. Por enformaziuns y se candidé preitambel cherdé sö le SaJ, ☎ 0474 523070 (lönesc-jöbia dales 8:00 ales 12:00) o diretamonter pa Manuela, ☎ 371 4780867, e-mail: manuela@jogn.org. Termo por dé jö les domandes é le 29 de forá 2020.

Udiensa Zenter Consumadus: tal Raiun Sozial a Picolin (terza alzada) vegnel tigní vigne secunda y quarta jöbia dal mens, dales 9:00 ales 12:00, na udiensa dal Zenter Consumadús. Proscimo terminn: jöbia ai 13 de forá. Enformaziuns, ☎ 0474 524519.

**Le tru se daüri dan da te, l'ont te sbürli tal spiné,
soredl dá bun cialt sön to müs, la plöia tomi morjela sön tü ciamp.
Tan dio cina ch'i s'odun endò dess Idio te tigní toch te söa man.**

benedisciun irlandeja

Döt le bun a:	Tone Erlacher	* 11.02.1930
	Sig. Heinrich Perathoner, <i>curat</i>	* 11.02.1941
	Eduard Rovara	* 12.02.1936
	Rosa Maria Erlacher Untersteiner, <i>Meransen</i>	* 12.02.1939
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
Santa Maria dal Bun Consei

Ploian: **Signor Klaus Sottas**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MhZ**



**Nosta misciun:
ester löm dal monn y se dla tera**

☞ **Is 58, 7–10 | 1 Cor 2, 1–5 | Mt 5, 13–16**

Dal Vangelo do San Mateo:

Te chel tomp á Gejú dit a sü discepui: ¹³Os seis le se dla tera. Sce le se perd söa saü, co pón pa endò le fá saré? Al ne val plü nia; al ven sciüré demez y pesté sot dala jont. ¹⁴Os seis la löm dal monn. Na ciüté, co é sön na munt, ne sciafia nia da resté ascognüda. ¹⁵An n'empeia gnanca na löm y met na sedla sorajö, mo an la met sön n candelier, spo ti lomínera a düc te ciasa. ¹⁶Ensciö dess osta löm lominé dan dala jont, ch'ai veighi oster bones opres y laldi osc Pere tal ci.

Oraziun dal de

*Periun! Dio, nosc Pere, i sun töa proprieté y i án motü döta nosta speranza te töa grazia: stasse dlungia te vigne debojügn y te vigne prigo y deidesse con töa proteziun.
Por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen*

(Lezionar A)



Os seis le se dla tera.

☞ **Letöres dla 6. domegna ia por l'ann:
Sir 15, 15–20 | 1 Cor 2, 6–10 | Mt 5, 17–37**

Edema liturgica dai 09.02. ai 16.02.2020

DOM 09.	5. domegna ia por l'ann <i>Apolonia, Alexia, Anna Katharina</i>
08:30	gran messa por dōta la ploania <i>oferta por la ploania</i> s.m. por †† da Sach
→	2^a s.m. de sopoltōra por † Carlo Pedevilla, La Munt y corona dla comunité s.m. a Al Plan
10 y 18	
Lōn 10.	<i>Scolastica, Wilhelm, Silvan</i> s.m. a Al Plan
18:00	
Ded 11.	<i>memoria de Santa Maria da Lourdes - de mondial dai amarés</i> <i>Anselm, Teodora</i>
→ 14:30	a Longega, s.m. do intenziun de dūc chi da Longega s.m. por † Emma Frontull ved. Ellecosta, Bastl
Dem 12.	<i>Gregor II, Benedet</i>
Jōb 13.	<i>Adolf, Gisela</i>
→ 19:00	corona por perié do vocaziuns (*) → poscibilité da se pissié
19:30	s.m. por † Maria Maneschg ved. Comploi, Mōra (*) s.m. por vis y †† dla fam. Edmund y Hildegard Maierhofer, Valsperch (*) s.m. por vis y †† dla familia Inge Heiß, Valsperch (*) s.m. do intenziun de na familia (*) <i>tomada fora ai 6.2.</i>
Ven 14.	fiesta dai Sanc Ziril y Metode (<i>patrons d'Europa</i>), <i>Valentin</i> s.m. a Al Plan
07:10	
→	signor ploian va encō a proveder
Sab 15.	<i>Sabeda de Santa Maria Siegfried, Faustin</i> s.m. <i>prefestia a Al Plan</i>
18:00	
19:30	s.m. prefestia, 3^o de sopoltōra por † Carlo Pedevilla, La Munt s.m. de ringraziament por la fam. Siegfried y Rita Burchia, Val s.m. por †† Jan y Valeria Ellecosta, Gogn
DOM 16.	6. domegna ia por l'ann <i>Luliana, Filipa</i>
08:30	i recordun i tomés y pordūs te vera gran messa por dōta la ploania y por i tomés y pordūs te vera, funziun te cortina <i>oferta por i debojūgn dla ploania</i>
14:00	funziun dal Bato de Iris Palfrader, Luis Pedevilla y Anna Ploner
10 y 18	s.m. a Al Plan
ampola:	por les families Facchini
ministronc:	• da doman y domegna: Marco y Andreas • da sera y domegna: Sonia y Eliane
i recordun:	Rosa Baldissera Radonski, <i>Berlin</i> 11.02.2019 Notburga Agreiter Pedit, <i>Desproch</i> 14.02.2016



Rai de lōm, saú de vita (Mt 5, 13–16)

I ponsi do

La proposta che Gejú se fej n'é nia en envit o en dejider, mo na realté: „i seis“ lōm y se dal monn. Vigne discepul ciafa cōsta scincunda y cōsta responsabilité con le Bato. I podun fá plü debbla o destödé la forza de cōsta scincunda con nostes dezijiuns y con nosc comportamont. Sc'í stun unís a Gejú lominunse y nosta testimonianza sará n envit a d'atri.

I preii ensciö


Picia ciandera o refletur? Se da saú o ensuz? Val' iade él desch'i ess destödé la lōm che tō as empié te me o desch'i ti ess tut la bona saú a to se. Gejú, al n'é nia saurí da fá desche tō ôs. Al é plü saurí da ascogne le canderlier por tema che valgūgn se tōli por le nês, o da se comporté a na moda ch'i ne somiunse nia „santarí“ jō de moda. Mo sc'í ponsi do, ne damáneste nia cesses impossibles. Te mo damanes ma da romagne fedel a ci ch'i sun belo: fi de Dio, to compagn, fre/so de dūc. Y dōt cōsc m'aste scinché tal Bato. Dámo le coraji por ch'i ne mo dodí mai de cōsta bela gran scincunda.

Walter Cazzaniga, Parola amica – Il Vangelo della domenica per ragazzi


11 de forá 2020 – 28^o de mondial dai amarés

“Gnide dūc da me, os ch'i se crüzieis y ch'i eis trep da porté”

Beldio, nosc Pere, i t'afidun dūc i amarés. Lasci sontí te sōa soferenza che tō ti es dlungia y che te ne i lasces nia susc. Signur Gejú Crist, conforta sū familiars y sū amisc y scinchi forza y creta tal amur de Dio. Spirit Sant arvenn le cōr y les mans de chi co sochedesc i amarés. Dái comprenjiun y pazionza te so sorvisc. Santa Maria, da to Fi sōla crusc nes este gnūda scincada a nos dūc desco oma: consoleiesse, deidesse y acompagneiesse sōn nosc tru. Amen.



La storia dla Tor de Bábel cuntada ai mituns (5)



Chelbeldio é plü gran

La storia dla costruziun dla Tor de Bábel nes spliga ciudi che la jont é stornūda fora sora dōt le monn y ciudi ch'ara baia tan de lingac desvalís.

Tal prēm n'éra nia ensciö: al ea ma önn en popul y önn en lingaz su.

La Sacra Scritōra veiga cōsc ensciö: che la jont á orū arjunje le Ci con na tor desmostra sōa arroganza da temeí. Ara orea ester desco Chelbeldio. So dejider do potenza n'â degūn limit. Mo Chelbeldio i â architē y ti â mostré che co é veramonter le plü gran y â motū sotissora so lingaz. T'en iade baiái dūc en n'ater lingaz y ai ne se capía nia plü y ensciö n'êi nia plü boggn da roé la costruziun.